

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis septima Decembris 1713.

M. PHILIPPO CARON, Doctore Medico,
Præside.

An plenitudini solvendæ omnis generis evacuationo?

I.

VITA animantis, motus ad functiones edendas speciei suæ proprias idoneus. Reciprocus est tensionis & remissionis alternatim sibi succedentium. Corpus organicum supponit, partes nempe solidas ritè constructas quæ complementum habent à fluidis contentis, à quibus diducantur ad extensionem debitam, mollescant, foveantur. Quin & fulciantur, librentur & refarciantur. Præcipuus motus reciprocantis effectus, circuitus sanguinis aut succi analogi. Hunc cæteri consequuntur. Ut rectè fiat, molis quantitas necessaria, non tamen exactè definienda. Plus minùsve operam præstant dum intrâ modum. Minor quantitas non relinquit vacuum corpus, major distendit ultrâ tonum necessarium. Illa functiones debilitat, hæc præcipitat, confundit, suffocat. Alterutra extrema mortem infert. Porro multitudo sanguinis & vasorum plenitudo idem est. Ad continentia vasa relationem habet nec solâ quantitate aestimatur. Hæc quanta sit, non major quàm quæ impelli potest & faciliè agi in circuitum, plenitudo non est, ab exuperantiâ nomen sortitur. Universalis aut particularis: duplex ad vasa & ad vires. Illa quæ multitudine distendit vasa ut tumorem faciat, ruptionem minatur: hæc vasi minùs licèt distento vim infert nec patitur se impelli, sed rebellis resistit cui ex ordine naturæ cedere debet non solum pro loco in corpore commutando, sed pro sui è corpore extrusione. Inde oriri morbos plerosque non malè asserunt. Tunc enim moles corporis universa intumescit, omnia membra præsertim ab exercitatione exporrigi videntur, tensionis sensus invehitur. Lassitudines spontaneæ, suffocationes, hæmorrhagiæ, impedimenta functionum; hebetudo, gravitas subsequuntur. Prodromus morborum non multo tempore eget, subito ingruit. Nonnunquam faciliè evanescit nullâ facta evacuatione sensibili, non tamen sine nullâ. In plenitudine quid mali sit frustra quæras: obvium est. Nec causa latet. Nec idæa morbi indaganda tot producendorum symptomatum potens. De principiis corporum superflua disquisitio. Sanguis ipse vel probus copiosior aut consistentiâ magis renitens plenitudinis materia & causa efficiens. In juvene, sene, exercitato & otioso; debili & robusto; quolibet anni tempore contingit si quod assumitur intra vasa, parili proportionè non eliminetur, quâcumque formâ quâcumque viâ effluat.

II.

SANGUINIS multitudinem congeri sæpius ut agnoscas, non longâ indiges contemplatione. Ejus essentiam indagandam permitte curiosis. Principiis constare æquè ac reliqua corpora extrâ dubium, verùm ea definire vel eorum proportionem parùm pertinet ad medicum. Varia ejus temperamenta, miscibilium æquabilitatem enarraverunt antiqui nullo fructu: humorum quatuor sanguinem componentium doctrina explosa est. Chymistarum principia famam præripuerant & labascit; quoniam ex iis emolumentum non uberius. Integer sanguis & ejus conditio in causâ sunt: ergo sensibus fides & prima simplicitas

potior utiliorque iudicatur. Sanguis è chylo intra vasa admissio. In eo substantia duplex obvia; serum nempe & pars fibrosa quæ primo aspectu rubet aut nigricat, sed cujus tamen pars longè major albescit, si aqua clota fuerit & deterfa ichore purpureo ablato. Pars hæc alba fibris constans quasi nerveis membranis mucosis mirè implicitis, quarum extrema in fimbrias producuntur, cellulas habet excavatas aut fibrarum interstitia quibus purpureas particulas easque sphericas excipit. Eadem sanguinis corpus constituit; calore concrevit sero effluxo, simili ferè modo compressione facta. Expansa purpureos globulos exponit & rubra apparet, contracta celat & alba aut plumbea confpicitur. Moles sanguinis mollis, sufficienti nempe sero diluta, vasorum figuris sese accommodat, meatus subit eâ facilitate ut nullus inde labor, turgidula partes fulciantur, duritie tamen aut resistentiâ non offendantur. Corpus ritè organicum motu oscillatorio talem sanguineam massam exagitans vitam perennat: nec enim aliud vita animantis, cujus perfectio sanitas. Circuitus sanguinis auctor functionum. Ibi tristis subit cogitatio. Hæc quàm diu? Sanguis in horas renovatur & perit. In ipso fluore, vita. Fluoris commoderatio, sanitas. Nullus avaritia locus; corpus ad statum speciei suæ definitum cum provectum est, si plus sumat quàm perdit, plethoram accersit ad vasa: si exercitio discedat quod recepit, sæpè movet impensius quàm oporteat. Inde sanguis sero expresso spissior obcurat canaliculos. Si vi adactus majori quantitate, distendit. Quidni spissior ampullas excitat quarum circumferentia tenacior, sicciscentes & continuatis ictibus excutiens ichorem facit in pellem non facile solvendam. Hæc plethora ad vires. Tunc sanguis non continuè & placidè fluit, partes non irrigat, fulcit, recreat; tardat, impedit. Ocasio est plethoræ ad vasa quam sequitur œconomia naturalis perturbatio variis iisque gravibus symptomatibus stipata. Desine scrutari causas abstrusiores. Partibus solidis cum liquidis non convenit amplius. Munia non exercentur ex ordine naturæ, secretiones non succedunt. Verùm prudentiâ cavetur ne errore quopiam hæc accersantur, gaudeo. Restant fortuita quæ non minus præstant sive agant in corpus & male afficiant sive agere desinant, aut non rectè suam operam navent,

I I I.

QUAM sæpè homines malè habent, si statim de sanitate instaurandâ desperandum esset, pessimè vitam ducunt. Ut autem tuerentur præsentem, laborantem juvarent plerique Medicorum de alimentis præcipuo studio tractarunt. Reverà rerum omnium quæ sunt in medicinâ, ea præpè modum utilissima. Sanguinis succi primarii materia chylus ex his conficitur. Super hac materia suprema lex est. Assumi debet, præparari ad usum, adhiberi: his defuncta munis abigi. Alioquin, olim necessaria impedimento est jamque vitio vertit. Commerciū pars cessat, immutatur: morbus insurgit, mors instat. Vis definiti assumendorum pondus & perdendorum, adhibendorum & vitandorum quantitatem, qualitatem, tempus, rationem. Non hæc semper eadem, sed prudentiâ regi postulant. Nisi assumantur alimenta & ex his conficiatur chylus, sanguis incalcescit, concrevit, exsiccat. Ad circuitum minus aptus turgescit & paribus offensâ est. Ipse partes solidæ arefcunt & nimis elastica: motum suum intendunt; nulla pax, ordo perturbatur. Secretiones non fiunt ex instituto naturæ. Si forte non cessent, contabescit corpus, & hic error vix potest emendari vasis convenientibus. Sin autem ingerantur copiosiùs aut natura non convenientis: vel non pateant viæ per quas effluant particule quæ emetita scæsum affectant, aut ipse ad exitum non disposita attritione sufficienti, sanguis accumulatur necesse est. Subducitur materia alimento ex parte denegato. Quod conceditur, eligitur minus valens. Tenuis diætâ mirum quantum proficit. Partes solidæ humescunt, laxantur: diluitur sanguis, remittit tumorem, permittit se propellentibus, effluviis tenor continuus exonerat corpus. Fames admonet fomitis præbendi, alacritas probat rem benè gestam, perpetratum antræ malum emendatum. Verùm non semper eodem successu gaudet natura. Præfenti auxilio eget supèrfluum, nec diætâ tenui delinita arque recreata sufficit oneri excutiendo. Materia impacta, tenax solidescens ablutione non statim

3^o
 mollescit, non eruitur ex oculis, nec partes desinunt constringere ex asperione quam respuunt. Saltem tempore opus est: sed non conceditur, exacerbatur malum & vires deficiunt, opprimuntur. Libertas querenda aliunde. Arte paratur via; quod non cedit, impellatur, quod non aperitur sponte, diducatur, hostis exulet. Ars ergo valet duplici ratione, adiectione & detractio. Utramque cautè adhibet ex cognitione rerum è quibus corpus constatum est & earum quæ in illud agunt; nec unico fidit auxilio, quia multis utitur corpus & multis eget. Vias novit & operationes; modos habet perspicuos & occasiones agendi. Artis minister attentus non properat, non otiosus cunctatur. Opportunitatem plurimi facit fortunamque sic reddit obnoxiam: non quia contemnit, sed quia superat prudentiâ. Interim nihil respuit quod possit esse ex usu.

I V.

QUOT modis natura valens exonerat superflua, totidem ars conatur eliminare cum pressa gemit illa sub onere quod excutere non potest. Auxilium præsens missio sanguinis; fontem minuit à quo exundatio. Scaturigines non negligit, ne præpedita sequela occasio sit perpetua exuperantia funesta. Secretiones si fieri cessent aut malè peragantur, conatur restituere. Linit, foveat, diluit, laxat, premit, excitat: revellit, derivat. Præter potulenta & esculenta res non naturales diartæ generali subditas adhibet; ineptas mutat quantum potest, quas nequit regere iis substituit medicamenta. Nihil violentum, nihil mite reputat quod in ipso consideret, cuncta refert ad corpus quod juvandum suscepit. In omnibus tamen facilitate, non vi, consilio non temeritate molitur. Vomitus excitat, fæces ducit, urinam pellit, sudores movet nec alias evacuationes reformidat. Si symptomata sequantur, non statim, comprimit, etiamsi possit, sed prius de commodo aut incommodo meditatur & judicat. In his non indiscriminatim movet quæ magis ex voto; non ex prædilectione eligit, sed necessitatis sequax ex methodo naturæ suam instituit. Cocta medicatur non cruda, turgentia exigit quam primùm, sed summo opere cavet ne quæ turgere creduntur, cruda vel inflammata sint quæ quidem medicamento non cedunt, cum tamen ab eo corpus malè conturbetur. Coctionem non intelligit solum de iis quæ per alvum feruntur: nomen genericum est commune omnibus in corpore contentis. Perfectionem dixere à calore. Calor à motu expansivo. Perfectione humoris est ejusdem conditio naturalis propior quam ordine præparationis adipsificatur. Tempus requirit quod semper ut causam & ut signum considerare debes medicus. Novit naturæ minister quam abundè effluat materia sanguinis per transpirationem insensibilem, eandem non procedere nisi ultimâ elaboratione subactâ. Nihil temerè tentabit per hanc viam, si sanguis eget attenuatione & ab eâ absit longius. Minus si corporis tunc pressio in aliam incumbat. Urinæ copia non rarò compensat transpirationis defectum: propriam subiecti naturam ex ejusdem consuetudine & specie morbi speculatur, ne adversâ naturâ frustra ipsam sollicitet. Sic de omnibus omnino evacuationibus an ferat ex facili aliquam, cæteris fatigetur; successu lato usa fuerit an tristis. Imprius mente complectitur quod sæpius objicitur oculis, in ipsa sapientia modum requirit. Nec frequentius negotia malè succedere quam cum satagit qui ea procurat. Melius si sinat fieri. Sic in naturâ non festinandum. Quò natura vergat, quid faxit si expectetur securè provocces. Prævertes frustra aut noxiè. Non minus lædes, si plura præstes quam desinaverit. Imò si importunè lassas, ab opere incepto desistit ad alia convertitur. Sic accumulatas succos per vexationem evacuationi dicatam. Cessanti favent nonnunquam fortuita, sed miti natura conjungitur, eique non aliis conceditur facultas eligendi, quod factu optimum est.

V.

IN plethorâ solvendâ quid faciendum res ipsa indicat. Materia superflua minuenda est. Hoc confirmat ab evacuatione medela. Quâ ratione fieri debeat detractio, non adeò facilis judicii. Hæc tamen ad id conferunt. Contenti in corpore sunt sanguis ex chylo confectus & humores ex sanguine secreti. Ex his alii in sanguinem denuò resiliunt, alii amandantur jam facti inutilis. Corporis

facultate reguntur in varios usus partibus communi. Inter agens & patiens conveniat necesse est ad actum. Finita potestas cuique. Nihil ultra determinatam potentiam expectandum. Si longè præpolleant solida, vexari succi extruduntur, aut comminuti plus satis renitentia privantur. Si nimia quantitate aut soliditate obfistat solidis, vis eorum frangitur aut excitatur ad exandescentiam quæ contrà naturam est. Ab invicem benè vel malè habent. Solidis prospicit qui benè curat succos. Fomite rectè administrato rarius exorbitant. Non tamen satis est hæc cura. Post usum fractæ particulæ exanctorari debent & emitti. Sunt ergo duæ plenitudinis causæ præcipuæ: ingestio materiæ copiosioris aut contumacioris atque retentio emerita. Cætera per proportionem occasioneve. Quidquid ad digestionem & excretionem inseruit, defectu aut vitio facit ad plenitudinem, intrâ extrave corpus situm sit quod facit & juvat. Plenitudo universalis est quæ universum corpus occupat, particularis quæ partem aliquam obsidet modo quo diximus. Ambæ communicant ut potè in corpore cujus confluxus & conspiratio extrâ dubium. Si partem quæ plenitudine laborat exonerare statim facile est, malè mulctat reliquum corpus qui ab eo detrahit. Sed quàm sæpè vana fuere talia promissa æruscatorum! Si neque possibile est præstare statim neque ex defectu, faciendum subsidio communi & caurionibus artis. Quamvis ad partem particularem materia confluxerit, in ea stagnet & retineatur ex sanguinis flumine derivatam, ad illud pro majori parte revehendam oblivisci medicus non debet. Frustrâ exundantem fluvium compefcere & in alveo continere rentabis in eo obice constructo solido licet, ni detur locus. Concesso exitu, in spatium liberum aqua spontè remeant. Delectus agendorum procul dubio necessarius est, sed à viro probo & artis perito instituendus. Nec tam à longinquis regionibus petenda medicamenta aut arte præparanda sunt quàm ardentè animadvertendum quæ intrâ extrave corpus juvant, aut lædunt, movent, obfistunt. Re parvâ natura restituitur. Quasi nodo soluto libera medicatrix morborum vires resumit. Hoc opus præcipuum. Qui corruptionem humorum accusant, viderint quâ ratione id faciant cum ii sub antiquâ formâ appareant; alterationes morbose ad sanorum dispositiones restituantur evacuatione portionis non magis corruptæ quàm quæ in corpore remansit, quoniam modo contentum putrescens vas non corrumpat ut in gangrenâ contingit. Cæterum fistulosum universum corpus rimosum quoque est. Viget libertate fluvioris. Qui hunc scitè procurat, adjuvat intentum. Non unius speciei evacuationem molitur, non semper obtinet ex voto: qui deficientem restituit aut tempore & modo compensat, fert opem.

Ergo plenitudini solvenda omnis generis evacuatio.

Domini Doctores disputaturi.

M. Joannes-Baptista Marti-
neng.

M. Thomas-Bernardus Ber-
trand.

M. Franciscus Afforty, anti-
quus Facultatis Decanus &
Chirurgia Professor.

M. Joannes-Henricus Imbert,
à Regia Scientiarum Acad.

M. Ægidius Adam.

M. Germanus Preaux, Pro-
fessor Regius.

M. Franciscus Ponsse.

M. Camillus Falconet, Regia
utriusque aula equestris
Medicus ordinarius.

M. Joannes Cordelle.

Proponebat Parisiis PETRUS-ANTONIUS LEPY Parisinus, Baccal.
Medicus, A. R. S. H. 1713.

Ex Typographia JACOBI QUILLAU, Typ. Jur. Lib. Universitatis, in via vulgò
dicta Galandæ.